



Study Journal

“Ang kahibalo nga mainampingon nga girekord maoy usa ka kahibalo nga magamit sa panahon sa panginahanglan. Ang sensitibong espirituhanon nga impormasyon kinahanglan nga tipigan sa usa ka sagradong dapit nga nagpakita ngadto sa Ginoo kon sa unsang paagi nga inyo kining gibahandi. Kana nga buhat nagpalambo sa kalagmitan nga makadawat ka og dugang kahayag.”

Richard G. Scott, “Acquiring Spiritual Knowledge,” *Ensign*, Nob. 1993, 88

ANG PAMILYA

USA KA PAMAHAYAG NGADTO SA KALIBUTAN

ANG UNANG KAPANGULOHAN UG KONSEHO SA NAPULOG DUHA KA MGA APOSTOLES SA ANG SIMBAHAN NI JESUKRISTO SA MGA SANTOS SA ULAHING MGA ADLAW

*K*AMI, ANG UNANG KAPANGULOHAN ug Konseho sa Napulog Duha ka mga Apostoles sa Ang Simbahan ni Jesukristo sa mga Santos sa Ulahing mga Adlaw, sa maligdong nga paagi mopahayag nga ang kaminyoon tali sa usa ka lalaki ug usa ka babaye gi-orden sa Dios ug ang pamilya mahinungdanon ngadto sa plano sa Tiglangalang sa walay katapusan nga destinasyon sa Iyang mga anak.

ANG TANAN NGA MGA TAWO—lalaki ug babaye—gilalang diha sa hitsura sa Dios. Ang matag usa hinigugmang espiritu nga anak nga lalaki o babaye sa langitnong mga ginikanan, ug, sa ingon, ang matag usa adunay mga kinaiya sa pagkadios ug kalagmitan nga mahimong usa ka dios. Ang pagkalalaki ug pagkababaye usa ka mahinungdanon nga kinaiya sa tagsa-tagsa sa kinabuhi nga wala pa dinhi sa yuta, sa pagkamortal, ug sa walay katapusan nga pag-ila ug katuyoan.

SA KINABUHI NGA WALA PA DINHI SA YUTA, ang espiritu nga mga anak nga lalaki ug babaye nakaila ug nagsimba sa Dios ingon nga ilang Amahan sa Kahangturan ug midawat sa Iyang plano nga naghatag og higayon sa Iyang mga anak nga makaangkon og pisikal nga lawas ug makaangkon og yutan-on nga kasinatian sa paglambo ngadto sa kahingpitan ug sa katapusan makakab-ot sa ilang walay katapusan nga kapalaran ingon mga manunodon sa kinabuhing dayon. Ang balaan nga plano sa kalipay makahimo sa mga relasyon sa pamilya nga magpadayon human sa kamatayon. Sagrado nga mga ordinansa ug mga pakigsaad nga anaa sa balaan nga mga templo makapahimo alang sa tagsa-tagsa sa pagbalik ngadto sa atubangan sa Dios ug alang sa mga pamilya nga magkahiusa sa kahangturan.

ANG UNANG SUGO nga gihatag sa Dios ngadto ni Adan ug Eva mao ang mahitungod sa posibilidad alang kanila isip bana ug asawa nga mahimong mga ginikanan. Kami mopahayag nga ang sugo sa Dios alang sa Iyang mga anak sa pagdaghan ug pagpuno sa yuta nagpabilin nga ipatuman. Kami sa dugang mopahayag nga ang Dios misugong nga ang sagrado nga mga gahum sa paglalang pagagamiton lamang tali sa lalaki ug babaye, kinsa legal nga naminyo isip bana ug asawa.

KAMI MOPAHAYAG sa mga paagi diin ang mortal nga kinabuhi gilalang nga gipahimutang sa Dios. Kami mopamatuod sa pagkabalaan sa kinabuhi ug sa iyang pagkamahinungdanon diha sa walay katapusan nga plano sa Dios.

ANG BANA UG ASAWA adunay ligdong nga kapangakohan sa paghigugma ug pag-amuma sa usag usa ug alang sa ilang mga anak. “Ang mga kabataan mao ang panulundon sa Ginoo”

(Mga Salmo 127:3). Ang mga ginikanan adunay sagrado nga katungdanan sa pag-amuma sa ilang mga anak sa paghigugma ug pagkamatarung, sa pagsangkap alang sa ilang pisikal ug espirituhanon nga mga panginahanglan, ug sa pagtudlo kanila sa paghigugma ug pag-alagad sa usag usa, pagsunod sa mga sugo sa Dios, ug kinsa mosunod sa mga balaad sa ilang nasud bisan asa sila magpuyo. Mga bana ug mga asawa—mga inahan ug mga amahan—adunay tulubagon sa atubangan sa Dios sa pagtuman niini nga mga kapangakohan.”

ANG PAMILYA gi-orden sa Dios. Ang kaminyoon tali sa lalaki ug babaye mahinungdanon ngadto sa Iyang walay katapusan nga plano. Ang mga anak adunay katungod nga matawo ngadto sa mga ginikanan kinsa naminyo, ug maamumahan sa usa ka amahan ug sa usa ka inahan nga nagtahud sa mga panaad sa kaminyoon uban sa hingpit nga pagkamaunngon. Ang kalipay diha sa kinabuhi sa pamilya labaw nga makab-ot kon gipasikad diha sa mga pagtulunan sa Ginoong Jesukristo. Malamupon nga mga kaminyoon ug mga pamilya natukod ug napadayon diha sa mga baruganan sa hugot nga pagtuo, pag-ampo, paghinulsol, pagpasaylo, pagtahud, gugma, kalooy, buhat ug maayong makalingaw nga mga kalihokan. Pinaagi sa balaan nga plano, ang mga amahan mao ang mangulo sa ilang mga pamilya diha sa gugma ug sa pagkamatarung ug may kapangakohan sa pagsangkap sa mga kinahanglan sa kinabuhi ug sa pagpanalipod sa ilang mga pamilya. Ang unang mga kapangakohan sa mga inahan mao ang pag-atiman sa ilang mga anak. Niining sagrado nga mga kapangakohan, ang mga amahan ug mga inahan adunay katungdanan sa pagtabang sa usag usa ingon nga magkauban. Kakulangan, kamatayon, o laing mga kahimtang mahimong manginahanglan sa pagsagop o sa pag-usab niini nga mga kalihokan sa pag-amuma alang sa pamilya. Ang uban nga mga kapamilya kinahanglan nga motabang kon gininahanglan.

KAMI MOPAHIMANGNO nga ang tagsa-tagsa kinsa makalapas sa mga pakigsaad sa kaputli, kinsa moabuso sa ilang kapikas o mga anak, o kinsa mapakyas sa pagtuman sa mga kapangakohan sa pamilya moabut ang adlaw nga mobarug nga adunay tulubagon sa atubangan sa Dios. Dugang pa, kami mopahimangno nga ang pagkabungkag sa pamilya makadala sa tagsa-tagsa, sa mga komunidad, ug sa nasud sa mga katalagman nga gipanagna sa karaan ug sa bag-o nga mga propeta.

KAMI NAGTAWAG sa may kapangakohan nga mga lumulupyo ug mga opisyal sa gobyerno bisan asa sa pag-awhag sa mga tawo sa paghimo niadtong mga butang nga gihimo sa pagpadayon ug sa paglig-on sa pamilya isip sukaranan nga yunit sa katilingban.

Kini nga pamahayag gibasa ni Presidente Gordon B. Hinckley isip bahin sa iyang mensahe sa Kinatibuk-ang Miting sa Relief Society nga gihimo niadtong Septyembre 23, 1995, sa Siyudad sa Salt Lake, Utah.

ANG BUHI NGA KRISTO

ANG PAGPAMATUOD SA MGA APOSTOLES

ANG SIMBAHAN NI JESUKRISTO SA MGA SANTOS SA ULAHING MGA ADLAW

Samtang kita magsaulog sa pagkatawo ni Jesukristo duha ka libo ka tuih na ang milabay, kita mohalad sa atong pagpamatuod sa pagkatinuod sa Iyang dili katupngan nga kinabuhi ug sa walay katapusan nga gahum sa Iyang labing dako nga sakripisyo sa pag-ula. Walay lain nga adunay labaw ka mahinungdanon nga impluwensya diha sa tanan kinsa nakapuyo ug magpuyo pa dinhi sa yuta.

Siya mao ang Halangdong Jehova sa Daang Tugon, ang Mesiyas sa Bag-ong Tugon. Ubos sa pagdumala sa Iyang Amahan, Siya mao ang tiglalang sa yuta. “Ang tanang mga butang nangahimo pinaagi kaniya; ug niadtong mga nangahimo na, walay bisan usa nga nahimo nga dili pinaagi kaniya” (Juan 1:3). “Bisan og walay sala, Siya gibunyagan aron sa pagtuman sa tibuk pagkamaratung. Siya mipadayon sa paghimog mga kaayohan” (Mga Buhat 10:38), apan siya gitamay tungod niini. Ang Iyang ebanghelyo usa ka mensahe sa kalinaug ug maagong kabubut-on. Siya kinasingkasing nga mihangyo sa tanan sa pagsunod sa Iyang panig-ingnan. Siya naglakaw sa mga dalan sa Palestina, nag-ayo sa masakiton, naghimo nga ang buta makakita, ug nagbuhi sa patay. Siya nagtudlo sa mga kamatuoran sa kahangturan, ang pagkatinuod sa atong kinabuhi nga wala pa dinhi sa yuta, ug ang kahimoan alang sa anak nga mga lalaki ug anak nga mga babaye sa Dios sa umaabot nga kinabuhi.

Siya mitukod sa sakramento isip usa ka handumanan sa Iyang labing dako nga sakripisyo sa pag-ula. Siya gidakop ug gihukman sa bakak nga mga pasangil, gipahamtangan og sala aron matagbaw ang manggugubot nga panon, ug gihukman nga mamatay diha sa krus sa Kalbaryo. Siya mihatag sa Iyang kinabuhi aron sa pag-ula sa mga sala sa tanang mga katawhan. Ang Iyang kinabuhi usa ka gasa nga gihatag alang sa tanan kinsa magpuyo dinhi sa yuta.

Kami ligdong nga mopamatuod nga ang Iyang kinabuhi, diin mao ang mahinungdanon sa tibuk kasaysayan sa tawo, nagsugod dili lamang sa Betlehem ni natapos sa Kalbaryo. Siya mao ang Unang Natawo sa Amahan, ang Bugtong Anak diha sa unod, ang Manunubos sa kalibutan.

Siya mibangon gikan sa lubnganan para mahimong “nahaunang gibanhaw sa mga nangamatay” (1 Mga Taga-Corinto 15:20). Isip Nabanhaw nga Ginoo, Siya miduaw niadtong Iyang gihigugma dinhi sa kinabuhi. Siya usab nangalagad taliwala sa Iyang “laing karnero” (Juan 10:16) sa karaang America. Sa kalibutan karon, Siya ug ang Iyang Amahan nagpakita ngadto sa batang lalaki nga si Joseph

Smith, sinugdanan sa dugay nang gisaad nga “kapaigongan sa kahingpitan sa mga panahon” (Mga Taga-Efeso 1:10).

Mahitungod sa Buhi nga Kristo, ang Propeta Joseph misulat: “Ang iyang mga mata ingon sa usa ka siga sa kalayo; ang buhok sa iyang ulo puti sama sa lunsay nga yelo; ang iyang panagway mihayang labaw sa kahayang sa adlaw; ug ang iyang tingog ingon sa dahunog sa dagko nga mga katubigan gani ang tingog ni Jehova, nag-ingon:

“Ako mao ang sinugdanan ug ang katapusan; Ako mao siya kinsa nabuhi, Ako mao siya kinsa gipatay; Ako mao ang inyong manlalaban ngadto sa Amahan” (D&P 110:3–4).

Mahitungod Kaniya ang Propeta mipahayang usab: “Ug karon, human sa daghan nga pagpamatuod nga gihatag mahitungod kaniya kini mao ang pagpamatuod, ang katapusan sa tanan, nga kami naghatag kaniya: Nga siya buhi!

“Kay kami nakakita kaniya, gani diha sa tuo nga kilid sa Dios; ug kami nakadungog sa tingog nga nagpamatuod nga siya mao ang Bugtong Anak sa Amahan—

“Nga pinaagi kaniya, ug ngadto kaniya, ug tungod kaniya, ang mga kalibutan nalalang, ug ang mga lumulupyo niana mao ang anak nga mga lalaki ug anak nga mga babaye sa Dios” (D&P 76:22–24).

Kami mopahayang pinaagi sa ligdong nga mga pulong nga ang Iyang pagkapari ug ang Iyang Simbahan gipahiuli dinhi sa yuta—tinukod ibabaw sa patukoran sa . . . mga apostoles ug mga propeta. Si Jesukristo mao ang ulohang bato sa pamag-ang” (Mga Taga-Efeso 2:20).

Kami mopamatuod nga Siya sa umaabot nga adlaw mobalik nganhi sa yuta. “Ug ang himaya ni Jehova igapadayag, ug ang tanan nga unod sa tingub makakita niini; kay ang ba-ba ni Jehova nagsuliti niini” (Isaias 40:5). Siya momando isip Hari sa mga Hari ug mohari isip Ginoo sa mga Ginoo, ug ang tanang tuhod magaluhod, ug ang tanang dila magdayeg, sa pagsimba diha sa atubangan Kaniya. Matag usa kanato mobarug aron pagahukman Kaniya sumala sa atong mga buhat ug sa mga tinguha sa atong mga kasingkasing.

Kami mopamatuod, ingon nga sa husto nga paagi Iyang gi-orden nga mga Apostoles—nga si Jesus mao ang Buhi nga Kristo, ang imortal nga Anak sa Dios. Siya mao ang halangdong Haring Immanuel, kinsa nagbarug karon sa tuong kamot sa Iyang Amahan. Siya mao ang kahayang, ang kinabuhi, ug ang paglaum sa kalibutan. Ang iyang paagi mao ang dalan nga paingon ngadto sa kalipay dinhi niini nga kinabuhi ug sa kinabuhing dayon sa kalibutan nga moabut. Salamat ngadto sa Dios sa dili katupngan nga gasa sa Iyang balaan nga Anak.

ANG UNANG KAPANGULOHAN

Thomas M. Monson
James E. Faust

Enero 1, 2000

ANG KORUM SA NAPULOG DUHA

Boyd K. Packer
John A. Dyer
Donna W. Stewart
Neal A. Maxwell
Russell M. Nelson
Dellin G. Oaks

M. Russell Ballard
Joseph B. Wirthlin
Richard G. Scott
Robert D. Hales
Jeffrey R. Holland
Henry D. Eyring

ANG PAGPAHIULI SA KAHINGPITAN SA EBANGHELYO NI JESUKRISTO

USA KA PAMAHAYAG NGADTO SA KALIBUTAN SA IKADUHANG SIGLO NGA KASAULOGAN

ANG UNANG KAPANGULOHAN UG KONSEHO SA NAPULOG DUHA KA MGA APOSTOLES SA ANG SIMBAHAN NI JESUKRISTO SA MGA SANTOS SA ULAHING MGA ADLAW

Kami ligdong nga mamahayag nga ang Dios nagmahal sa Iyang mga anak sa matag nasud sa kalibutan. Ang Dios nga Amahan mihatag kanato sa balaanong pagkatawo, walay sama nga kinabuhi, ug walay kinutuban nga maula-ong sakripisyo sa Iyang Pinalanggang Anak, si Jesukristo. Pinaagi sa gahum sa Amahan, si Jesus mibangon pag-usab ug nakaangkon og kadaugan batok sa kamatayon. Siya ang atong Manluwas, atong Ehemplo, ug atong Manunubos.

Duha ka gatus ka tuig na ang milabay, sa usa ka matahum nga buntag sa tingpamulak niadtong 1820, ang batan-ong si Joseph Smith, nagtinguha nga masayud kon hain nga simbahan ang apilan, miadto sa kakahoyan aron mag-ampo duol sa iyang panimalay sa amihanang bahin sa New York, USA. Aduna siyay mga pangutana kalabut sa kaluwasan sa iyang kalag ug misalig nga ang Dios mogiya kaniya.

Uban sa kamapainubsanon, kami modeklarar nga agig tubag sa iyang pag-ampo, ang Dios nga Amahan ug ang Iyang Anak, si Jesukristo, mipakita kang Joseph ug mipasiugda sa pagpabalik sa tanang butang (itandi sa Mga Buhat 3:21) sama sa gipanagna diha sa Biblia. Dinhi niini nga panan-awon, iyang nakat-unan nga human mamatay ang orihinal nga mga Apostoles, ang Simbahan ni Kristo sa Bag-ong Tugon nawala sa kalibutan. Si Joseph ang mahimong himan sa pagbalik niini.

Kami momatuod nga ubos sa direksyon sa Amahan ug sa Anak, ang langitnon nga mga mensahero mianhi aron sa pagtudlo kang Joseph ug sa pag-establisar og usab sa Simbahan ni Jesukristo. Ang nabanhaw nga si Juan Bautista mipahiuli sa awtoridad sa pagbunyag pinaagi sa pagpaunlod alang sa kapasayloan sa mga sala. Tulo sa orihinal nga napulog duha ka mga Apostoles—si Pedro, Santiago, ug Juan—mipahiuli sa pagka-apostol ug sa mga yawe sa awtoridad sa pagkapari. Ang uban mianhi usab, lakip ni Elijah, kinsa mipahiuli sa awtoridad sa paghiusa sa mga pamilya hangtud sa kahangturan diha sa mahangturon nga mga pakigrelasyon nga molungtad lapas sa kamatayon.

Dugang kaming mosaksi nga si Joseph Smith gihatagan sa gasa ug gahum sa Dios sa paghubad sa usa ka karaan nga rekord: ang Basahon ni Mormon—Lain nga Tugon ni Jesukristo. Ang mga pahina niining sagrado nga teksto naglakip og usa ka asoy sa personal nga pagpangalagad ni Jesukristo taliwala sa katawhan sa Kasadpang Bahin sa Kalibutan

human sa Iyang Pagkabanhaw. Nagtudlo kini sa katuyoan sa kinabuhi ug nagpasabut sa doktrina ni Kristo, nga mahinungdanon alang niana nga katuyoan. Isip kauban nga kasulatan sa Biblia, ang Basahon ni Mormon nagpamatuod nga ang tanang tawhanong nilalang mga anak nga lalaki ug mga anak nga babaye sa usa ka mahigugmaong Amahan sa Langit, nga Siya adunay balaan nga plano alang sa atong kinabuhi, ug nga ang Iyang Anak, si Jesukristo, namulong karon sa samang paagi sa karaang panahon.

Kami modeklarar nga Ang Simbahan ni Jesukristo sa mga Santos sa Ulahing mga Adlaw, nga giorganisar niadtong Abril 6, 1830, mao ang Simbahan ni Kristo sa Bag-ong Tugon nga gipahiuli. Kini nga Simbahan nakaangkla sa hingpit nga kinabuhi sa ulohang bato sa pamag-ang niini, si Jesukristo, ug diha sa Iyang walay kinutuban nga Pag-ula ug literal nga Pagkabanhaw. Si Jesukristo mitawag na usab og mga Apostoles ug mihatag kanila og awtoridad sa pagkapari. Midapit Siya kanatong tanan sa pagduol ngadto kaniya ug sa Iyang Simbahan, sa pagdawat sa Espiritu Santo, sa mga ordinansa sa kaluwasan, ug sa pag-angkon og malungtarong kalipay.

Duha ka gatus ka tuig na ang milabay sukad nga gipasiugdahan sa Dios nga Amahan ug sa Iyang Pinalanggang Anak, si Jesukristo, kini nga Pagpahiuli. Minilyon sa tibook kalibutan ang mihangop sa kahibalo mahitungod niining gipanagna nga mga panghitabo.

Malipayon kaming modeklarar nga ang gisaad nga Pagpahiuli padayon nga mahitabo pinaagi sa nagpadayon nga pagpadayag. Ang kalibutan dili na gayud mahimong sama kaniadto, tungod kay ang Dios “[mo]hiusa diha kang Kristo sa tanang mga butang” (Mga Taga-Efeso 1:10).

Uban sa balaang pagtahud ug pagpasalamat, kami isip Iyang mga Apostoles modapit sa tanan nga masayud—sama kanamo—nga ang kalangitan bukas. Kami momatuod nga ang Dios mipahibalo sa Iyang kabubut-on alang sa Iyang pinalanggang mga anak nga lalaki ug mga anak nga babaye. Kami mopamatuod nga kadtong mainampuong magtuon sa mensahe sa Pagpahiuli ug molihok uban sa pagtuo mapanalinginan nga makaangkon og ilang kaugalingong pagsaksi sa kabalaan niini ug sa katuyoan niini sa pag-andam sa kalibutan alang sa gisaad nga Ikaduhang Pag-anhi sa atong Ginoo ug Manluwas, si Jesukristo.

Kini nga pamahayag gibasa ni Presidente Russell M. Nelson isip kabahin sa iyang mensahe sa ika-190 nga Tinuig nga Kinatibuk-ang Komperensya, Abril 5, 2020, sa Siyudad sa Salt Lake, Utah.



Pasiuna sa Doktrinal nga Kahanas

Diha sa Basahon ni Mormon, gitudloan ni propeta Helaman ang iyang mga anak, “Kini diha sa lig-on nga sukaranan sa atong Manunubos, kinsa mao si Kris-to, ang Anak sa Dios, nga kamo kinahanglan gayud motukod sa inyong tukuranan” (Helaman 5:12). Ang pagtukod og pundasyon diha kang Jesukristo—nga naglakip sa pagkasabut, pagtuo, ug pagpakabuhi subay sa Iyang doktrina—mopalawom sa atong pagkakabig ug pasalig isip Iyang mga disipulo, manalipud kanato batok sa mga impluwensya sa kaaway, ug matabangan kita sa pagpanalangin sa kinabuhi sa uban.

Usa sa mga paagi sa pagtuman niini mao ang dungan nga sumpay-sumpay nga pagtuon sa mga kasulatan diha sa klase. Laing paagi nga atong matukod ang pundasyon diha ni Jesukristo ug sa Iyang doktrina mao ang usa ka paningkamot nga gitawag og Doktrinal nga Kahanas.

Ang Doktrinal nga Kahanas magtutok sa duha ka sangputanan:

1. *Makakat-on ug mogamit sa balaanong mga baruganan alang sa pag-angkon og espirituhanong kahibalo.* Ang Langitnong Amahan mipadayag sa mga baruganan alang sa pag-angkon og espirituhanong kahibalo. Kini nga mga baruganan naglakip sa paglihok pinaagi sa hugot nga pagtuo, pagsuta sa mga konsepto ug mga pangutana inubanan sa mahangturong panglantaw, ug sa dugang nga pagtinguha og panabut pinaagi sa balaanong gitudlo nga mga tinubdan. Mapalambo nato ang doktrinal nga kahanas

samtang kita mogamit niini nga mga baruganan sa sulod ug gawas sa klase ug mangita og mga tubag sa doktrinal, personal, sosyal, ug makasaysayanon nga mga pangutana sa paagi nga madapit ang Espiritu Santo sa pagpalig-on sa atong hugot nga pagtuo ngadto sa Langitnong Amahan ug kang Jesukristo.

2. *Bansaya ang mga tudling sa kasulatan sa doktrinal nga kahanas ug ang doktrina sa ebanghelyo ni Jesukristo nga ilang gitudlo.* Kini nga sangputanan makab-ot pinaagi sa:

- a. Pagkahibalo sa doktrina nga gitudlo diha sa mga tudling sa kasulatan sa doktrinal nga kahanas.
- b. Pagpasabot sa doktrina sa tin-aw nga paagi gamit ang may kalabotan nga mga tudling sa kasulatan sa doktrinal nga kahanas.
- c. Pagkahinumdom og pagkatultol sa mga tudling sa kasulatan sa doktrinal nga kahanas ug pagmemorya sa importanting hugpong sa mga pulong sa kasulatan.
- d. Ang paggamit sa doktrina sa ebanghelyo ni Jesukristo ug sa mga baruganan sa pag-angkon og espirituhanon nga kahibalo diha sa atong inadlaw-adlaw nga mga pagpili ug diha sa atong mga tubag nga doktrinal, personal, sosyal, ug makasaysayanon nga mga isyu ug mga pangutana.



Pag-angkon og Espirituhanong Kahibalo

Ang Dios mao ang Tinubdan sa Tanang Kamatuoran

1. Ang Dios nasayud sa tanang butang ug maoy tinubdan sa tanang kamatuoran. Tungod kay gihigugma kita sa atong Langitnong Amahan ug gusto nga kita molambo ngadto sa pagkahimong sama Kaniya, Iya kitang giawhag nga “[pangitaon] ang pagtulun-an, gani pinaagi sa pagtuon ug usab pinaagi sa hugot nga pagtuo” (Doktrina ug mga Pakigsaad 88:118). Sa atong pagpangita sa kamatuoran, makasalig kita Kaniya sa hingpit, makasalig sa Iyang kaalam, sa Iyang gugma, ug sa Iyang gahum sa pagtudlo ug pagpanalangin kanato. Misaad ang Dios nga ang kamatuoran ipadayag diha sa atong mga hunahuna ug kasingkasing pinaagi sa Espiritu Santo kon magkugi kita sa pagpangita Kaniya.
2. Aron matabangan kita, gitudloan kita sa Langitnong Amahan unsaon sa pag-angkon og espirituhanong kahibalo. Giestablisar niya ang mga kondisyon nga angay natong sundon aron maangkon kana nga kahibalo. Ang balaanon nga sumbanan nga gi-orden sa Dios nagkinahanglan nga kita adunay matinuorong tinguha nga mahibalo sa kamatuoran ug andam nga magpakabuhi sumala sa unsay Iyang gipadayag. Ang sinsero natong tinguha modala kanato ngadto sa pagpangita sa kamatuoran pinaagi sa pag-ampo ug magkugi sa pagtuon sa pulong sa Dios.
3. Usahay mahimo natong madiskubrihan ang bag-ong impormasyon o may mga pangutana

mahitungod sa doktrina, mga gisunod, o kasaysayan sa Simbahan nga ingon og lisud sabton.

Ang pagpangutana ug pagpangita og mga tubag usa ka mahinungdanong bahin sa atong paningkamot nga makakat-on sa kamatuoran. Ang ubang mga pangutana nga moabut sa atong mga hunahuna tingali dinasig sa Espiritu Santo. Ang dinasig nga mga pangutana kinahanglang ikonsiderar nga mga gasa gikan sa Dios nga maghatag kanato og mga kahigayunan nga mapalambo ang atong panabot ug malig-on ang atong kasiguroan nga ang Ginoo andam nga motudlo kanato. Bisan unsa ang tinubdan sa atong mga pangutana, gipanalanginan kita og abilidad sa paghunahuna ug pagpangatarungan ug ang impluwensya sa Ginoo mopalambo sa atong hunahuna ug mopalawom sa atong panabot. Ang atong kinaiya ug intensyon diin kita magutana ug magtinguha og mga tubag makapekto og dako sa atong abilidad sa pagkat-on pinaagi sa Espiritu Santo.

4. Ang mosunod nga tulo ka baruganan makagiya kanato samtang magtinguha kita sa pagkat-on ug pagsabot sa mahangturong kamatuoran ug pagsulbad sa mga pangutana o mga isyu:
 - Molihok inubanan sa hugot nga pagtuo.
 - Mosusi sa mga konsepto ug mga pangutana inubanan sa mahangturong panglantaw.
 - Motinguha og dugang nga panabot pinaagi sa balaanon gitudlo nga mga tinubdan.

Baruganan 1: Lihukon Inubanan sa hugot nga Pagtuo

5. Molihok kita inubanan sa hugot nga pagtuo kon atong pilion ang pagsalig sa Dios ug Siya ang unahon pinaagi sa sinserong pag-ampo, pagtuon sa Iyang mga pagtulun-an, ug pagsunod sa Iyang mga sugo.
6. Samtang magtinguha kita sa pagpalambo sa atong panabut ug pagsulbad sa mga problema, importante nga mosalig kita sa pagpamatuod nga anaa na kanato bahin ni Jesukristo, sa Pagpahiuli sa Iyang ebanghelyo, ug sa mga pagtulun-an sa Iyang gi-orden nga mga propeta. Gitudlo ni Elder Jeffrey R. Holland sa Korum sa Napulog Duha ka Apostoles nga: “Kon kini nga mga higayon moabut ug mogawas ang mga problema, ang kasulbaran dili dayon moabut, *pangumit og hugot sa unsay inyo nang nahibaloan ug barug nga malig-on hangtud moabut ang dugang nga kahibalo*” (“Nagatuo Ako,” *Liahona*, Mayo 2013, 94). Ang Ginoo mismo midapit kanato sa “paghuhahuna ngadto [Kaniya] sa matag hunahuna; ayaw pagduha-duha, ayaw kahadlok” (Doktrina ug mga Pakigsaad 6:36).
7. Atol sa mga panahon nga dili dayon matubag ang atong mga pangutana, makatabang ang paghinumdom nga bisan og ang Langitnong Amahan mipadayag sa tanan nga gikinahanglan sa atong kaluwasan, wala pa Niya ikapadayag ang tanang kamatuoran. Samtang padayon kita nga mangita og mga tubag, kinahanglan nga magpakabuhi kita pinaagi sa hugot nga pagtuo—mosalig nga sa katapusan kita makadawat sa mga tubag nga atong gitinguha. Samtang magmatinud-anon kita sa mga kamatuoran ug kahayag nga nadawat na nato, makadawat pa kita og daghan. Ang mga tubag sa atong mga pangutana ug mga pag-ampo kasagaran moabut nga “pagtulun-an human sa usa ka pagtulun-an, lagda human sa usa ka lagda” (2 Nephi 28:30).

Baruganan 2: Susihon ang mga Konsepto ug mga Pangutana inubanan sa Mahangturong Panglantaw

8. Sa pagsusi sa doktrinal nga mga konsepto, mga pangutana, ug sosyal nga mga isyu inubanan sa mahangturong panglantaw, atong ikonsiderar ang kinatibuk-ang kahulugan niini sa plano sa kaluwasan ug sa mga pagtulun-an sa Manluluwas. Tinguhaon nato ang tabang sa Espiritu Santo aron makita ang mga butang sama sa pagkakita niini sa Ginoo. Magtugot kini nga atong maporma og usab ang pangutana (aron makita sa laing paagi ang pangutana) ug matan-aw ang mga ideya basi sa sumbanan sa kamatuoran nga gihimo sa Ginoo kay sa pagdawat sa mga ideya o mga pagbana-bana nga gihimo sa kalibutan. Mahimo nato kini pinaagi sa pagpangutana og sama sa “Unsa man gayud ang akong nahibaloan na mahitungod sa Langitnong Amahan, sa Iyang plano, ug sa unsang paagi Niya gidumala ang Iyang mga anak?” ug “Unsa nga pagtulun-an sa ebanghelyo ang may kalabutan o naghatag og katin-awan niining konsepto o isyu?”
9. Gani ang mga pangutana nga may kalabotan sa makasaysayanon nga mga hitabo mahimong nagkinahanglan sa pagsusi niini inubanan sa mahangturong panglantaw. Samtang padayon natong gipalig-on ang atong pagsalig sa atong Langitnong Amahan ug sa Iyang plano sa kaluwasan, mas klaro natong makita ang mga problema. Mahimong makatabang usab ang pagsusi sa makasaysayanon nga mga pangutana sa tukmang makasaysayanon nga kahulugan pinaagi sa pagkonsiderar sa kultura ug mga kinaiya sa maong panahon kay sa pagtan-aw sa kasamtangang mga panglantaw ug mga kinaiya.
10. Importante ang paghinumdom nga ang makasaysayanon nga mga detalye wala magdala sa makaluwas nga gahom sa mga pakigsaad, mga ordinansa, ug doktrina. Ang pagkabalda sa wala kaayoy kahulugan nga mga detalye nga maoy hinungdan nga dili na nimo makita ang nagkadayag nga mga milagro sa Pagpahiuli sama ra kini sa paggahin og panahon sa pag-analisar sa sudlanan sa regalo ug gibaliwala ang kanindot sa regalo mismo.

Baruganan 3: Tinguhaa ang Dugang nga Panabut pinaagi sa Balaanong Gitudlo nga mga Tinubdan

11. Isip kabahin sa gipili sa Ginoo nga proseso sa pag-angkon og espirituhanong kahibalo, miestablisar Siya og mga tinubdan nga pinaagi niini Iyang ikapadayag ang kamatuoran ug giya sa Iyang mga anak. Kini nga mga tinubdan naglakip sa kahayag ni Kristo, sa Espiritu Santo, sa mga kasulatan, mga ginikanan, ug mga lider sa Simbahan. Ang Unang Kapangulohan ug ang Korum sa Napulog Duha ka Apostoles—mga propeta sa Ginoo dinhi sa kalibutan karon—mao ang importante kaayong tinubdan sa kamatuoran. Gipili ug gi-orden sa Ginoo kining mga tawhana nga mamulong alang Kaniya.
12. Makat-unan usab nato ang kamatuoran pinaagi sa ubang kasaligan nga mga tinubdan. Bisan pa niana, ang sinserong mga tigpangita sa kamatuoran kinahanglang magmabinantayon sa dili kasaligang mga tinubdan sa impormasyon. Nagpuyo kita sa panahon diin daghan ang “nagangalan sa dautan nga maayo, ug sa maayo nga dautan” (Isaias 5:20). Si Satanas mao ang amahan sa tanang bakak ug nagtinguha sa pagtuis sa kamatuoran ug pag-agni kanato aron mopalayo sa Ginoo ug sa Iyang pinili nga mga sulugoon. Ang pagkat-on sa pag-ila ug paglikay sa dili kasaligang mga tinubdan makapanalipod nato gikan sa sayop nga impormasyon ug gikan niadtong kinsa nagtinguha sa pagdaot sa atong tinuohan. Samtang kita nagtinguha og tabang gikan sa Espiritu Santo ug modangop ngadto sa balaanong pinili sa Ginoo nga mga tinubdan alang sa mga tubag og direksyon, mapanalanginan kita nga makaila tali sa kamatuoran ug sa sayop. Kita makasalig sa gisaad sa Ginoo nga “pinaagi sa gah[o]m sa Espiritu Santo kamo mahimo nga masay[o]d sa kamatuoran sa tanan nga mga butang” (Moroni 10:5).

Pagtabang sa Uban nga Makaangkon og Espirituhanong Kahibalo

13. Kon ang uban moduol ngari kanato nga mangutana o magpakisusi bahin sa doktrina sa Simbahan, mga gibuhad, o kasaysayan, unsaon kaha nato pagtabang nila og maayo sa ilang pagpangita sa kamatuoran? Ang mosunod mao ang pipila ka mga paagi nga sila atong matabangan:
 14. *Maminaw sa mainampingon ug mainampuong paagi.* Paminaw og maayo sa dili pa ikaw motubag, pangayo og katin-awan ug sabta ang aktwal nga mga pangutana nga ilang gipangutana. Mahunahunaong magtinguha sa pagsabot sa tinuod nga tumong sa ilang mga pangutana ug sa ilang mga pagbati ug mga gituohan. Pag-ampo alang sa giya mahitungod kon unsaon nga matabangan nimo sa labing maayo kadtong adunay mga pangutana.
 15. *Motudlo ug mopamatuod sa mga kamatuoran sa ebanghelyo.* Ipaambit ang magamit nga mga pagtulun-an gikan sa mga kasulatan ug sa modernong mga propeta ug kon sa unang paagi nga nakahimo kini og kalainan sa imong kinabuhi. Tabangi kadtong imong gipakigsultihan nga mosusi o mousab sa ilang mga pangutana diha sa kinatibuk-ang kahulugan sa ebanghelyo ug sa plano sa kaluwasan.
 16. *Dapita sila sa paglihok diha sa hugot nga pagtuo.* Hinumdumi nga ang Ginoo nagkinahanglan nga kita magtinguha og espiritwal nga kahibalo alang sa atong kaugalingon. Busa kinahanglan gayud nga dapiton nato ang uban sa paglihok inubanan sa hugot nga pagtuo pinaagi sa pag-ampo, pagkamasulundon sa mga sugo, ug makugihon nga pagtuon sa pulong sa Dios, gamit ang balaanong gitudlo nga mga tinubdan, ilabi na ang Basahon ni Mormon. Kon mahimo, dapita sila sa paghinumdum sa ilang mga kasinatian dihang mibati sila sa Espiritu Santo ug sa hugot nga pagpanggunit sa mahangturong mga kamatuoran nga ilang nakat-unan hangtud moabut ang dugang nga kahibalo.
 17. *Abagi hangtod sa pagtapos.* Magtanyag sa pagpangita sa mga tubag, ug dayon abagi hangtod sa pagtapos pinaagi sa pagpaambit sa unsay imong nakat-unan. Mahimo usab nimong dunganan sa pagpangita og mga tubag. Ipahayag ang pagsalig diha sa saad sa Ginoo nga mohatag og personal nga pagpadayag.

Mga Tudling sa Kasulatan sa Doktrinal nga Kahanas ug Importanting Hugpong sa mga Pulong sa Kasulatan sigon sa Kurso

Daang Tugon

Moises 1:39: “Mao kini ang akong buhat ug ang akong himaya—ang pagpahinabo sa pagka-imortal ug sa kinabuhi nga dayon sa tawo.”

Moises 7:18: “Ang Ginoo mitawag sa iyang mga katawhan og Zion, tungod kay sila usa sa kasingkasing ug usa sa hunahuna.”

Abraham 2:9–11: Ang Ginoo misaad kang Abraham nga ang iyang binhi “modala niini nga pagpangalagad ug Pagkapari ngadto sa tanan nga mga nas[o]d.”

Abraham 3:22–23: Isip mga espiritu kita “nabuhat sa wala pa matukod ang kalibutan.”

Genesis 1:26–27: “Gibuhat sa Dios ang tawo sa iyang kaugalingong dagway.”

Genesis 2:24: “Ang lalake . . . moipon siya sa iyang asawa: ug sila mahimong usa ka unod.”

Genesis 39:9: “Unsaon ko paghimo kining dakong pagkadautan, ug makasala batok sa Dios?”

Exodo 20:3–17: Ang Napulo ka Sugo

Josue 24:15: “Magpili kamo niining adlawa kon kinsa ang inyong alagaran.”

Salmo 24:3–4: “Kinsa ba ang motindog sa iyang dapit nga balaan? Siya nga adunay limpyo nga mga kamot, ug may usa ka putli nga kasingkasing.”

Mga Panulihon 3:5–6: “Sumalig ka sa Ginoo sa bug-os mong kasingkasing . . . ug siya magamando sa imong mga alagianan.”

Isaias 1:18: “Bisan pa ang inyong mga sala mapula, sila pagapution ingon sa nieve.”

Isaias 5:20: “Alaut kanila nga nagangalan sa dautan nga maayo, ug sa maayo nga dautan.”

Isaias 29:13–14: Ang pagpahiuli sa ebanghelyo “usa ka katingalahang buhat ug usa ka kahibulongan.”

Isaias 53:3–5: “Sa pagkamatuod gipas-an [ni Jesukristo] ang atong kasakitan, ug gipas-an niya ang atong mga kasub-anan.”

Isaias 58:6–7: Ang mga panalangin sa tukma nga pagpuasa

Isaias 58:13–14: “Ilikay . . . gikan sa pagbuhat sa imong kalipayan sa akong adlaw nga balaan.”

Jeremias 1:4–5: “Sa wala pa ikaw buhata nako diha sa tiyan . . . gitudlo ko ikaw nga manalagna alang sa mga nasud.”

Ezequiel 3:16–17: Ang propeta “usa ka magbalantay alang sa balay sa Israel.”

Ezequiel 37:15–17: Ang Biblia ug ang Basahon ni Mormon “hiosahon mo alang kanimo diha sa imong kamot.”

Daniel 2:44–45: Ang Dios “magatukod og usa ka gingharian, nga dili gayud malumpag.”

Amos 3:7: “Ang Ginoong Dios. . . iyang tinago ipadayag niya sa iyang mga alagad ang mga propeta.”

Malaquias 3:8–10: Ang mga panalangin sa pagbayad og ikapulo

Malaquias 4:5–6: Si Elias “iyang pabalikon . . . ang kasingkasing sa mga bata ngadto sa ilang mga amahan.”

Bag-ongTugon

Mateo 5:14–16: “Pasigaa ninyo ang inyong kahayag sa atubangan sa mga tawo.”

Mateo 11:28–30: “Umari kanako, kamong tanan nga nabudlay ug nabug-atan, ug papahulayon ko kamo.”

Mateo 16:15–19: Si Jesus miingon, “Hatagan ko ikaw sa mga yawe sa gingharian.”

Mateo 22:36–39: “Higugmaa ang Ginoo nga inyong Dios. . . . Higugmaa ang imong silingan.”

Lucas 2:10-12: “Kay alang kaninyo natawo karon sa lungsod ni David ang Manluluwas, nga mao ang Kristo nga Ginoo.”

Lucas 22:19-20: Si Jesukristo nagsugo, moambit sa sakramento “sa paghandom kanako.”

Lucas 24:36-39: “Kay ang espiritu walay unod ug mga bukog, ingon sa inyong nakita nga anaa kanako.”

Juan 3:5: “Gawas kon ang tawo igaanang sa tubig ug sa Espiritu, dili siya makasulod sa gingharian sa Dios.”

Juan 3:16: “Kay gihigugma gayud sa Dios ang kalib[ot]an, nga tungod niana gihatag niya ang iyang bugtong Anak.”

Juan 7:17: “Kon tuyoon ni bisan kinsa ang pagbuhat sa kabubut-on sa Dios, nan iyang mahibaloan ang akong gitudlo.”

Juan 17:3: “Ug mao kini ang kinabuhing dayon, ang ilang pagpakaila kanimo nga mao ang bugtong tinuod nga Dios, ug kang Jesukristo.”

1 Mga Taga-Corinto 6:19-20: “Ang inyong lawas templo sa Espiritu Santo.”

1 Mga Taga-Corinto 11:11: “Hinoon diha sa Ginoo ang babaye dili gawas sa lalaki ni ang lalaki gawas sa babaye”

1 Mga Taga-Corinto 15:20-22: “Kay maingon nga diha kang Adan ang tanan nangamatay, maingon man usab diha kang Kristo ang tanan mangabuhi.”

1 Mga Taga-Corinto 15:40-42: Diha sa Pagkabanhaw, adunay tulo ka ang-ang sa himaya.

Mga Taga-Efeso 1:10: “Usa ka laraw nga pagatumanon inig-ab[ot] sa tukma nga panahon, laraw sa paghiusa diha kang Kristo sa tanang mga butang.”

Mga Taga-Efeso 2:19-20: Ang Simbahan “tinukod ibabaw sa patukoranan nga mao ang mga apostoles ug mga propeta, nga niini si Jesukristo mao ang ulohang bato sa pamag-ang.”

2 Mga Taga-Tesalonica 2:1-3: “Ang adlaw ni Kristo . . . dili pa moabut, hangtud nga mahitabo una ang pagsupil.”

2 Timoteo 3:15-17: “Ang balaan nga kasulatan . . . makagagahum sa pagtudlo kanimo ngadto sa kaluwasan.”

Mga Hebreohanon 12:9: Ang Langitnong Amahan mao “ang Amahan sa mga espiritu.”

Santiago 1:5-6: “Kon aduna man kaninyoy nakulangan og kaalam, papangayoa siya sa Dios.”

Santiago 2:17-18: “Ang pagtuo patay kon kini walay binuhatan.”

1 Pedro 4:6: “Ang maayong balita [gi]wali hangtud ngadto sa mga patay.”

Pinadayag 20:12: “Ug ang mga patay gipanaghukman . . . pinasikad sa ilang mga binuhatan.”

Basahon ni Mormon

1 Nephi 3:7: “Ako moadto ug mobuhat sa mga butang nga ang Ginoo nagsugo.”

2 Nephi 2:25: “Si Adan napukan aron ang mga tawo mahimo; ug ang mga tawo naingon, nga unta sila makabaton og hingpit nga kalipay.”

2 Nephi 2:27: “Sila gawasnon sa pagpili sa kalingkawasan ug sa kinabuhi nga dayon . . . o . . . sa pagkabihag ug sa kamatayon.”

2 Nephi 26:33: “Ang tanan managsama ngadto sa Dios.”

2 Nephi 28:30: Ang Dios “mopadayag ngadto sa mga katawhan og pagtulun-an human sa usa ka pagtulun-an, lagda human sa usa ka lagda.”

2 Nephi 32:3: “Pagbusog sa mga pulong ni Kristo; kay tan-awa, ang mga pulong ni Kristo magtug-an kaninyo sa tanan nga mga butang nga inyong buhatan.”

2 Nephi 32:8-9: “Kamo kinahanglan gayud nga mag-ampo kanunay.”

Mosiah 2:17: “Kon kamo anaa sa pag-alagad sa inyong mga isigkatawo kamo anaa lamang sa pag-alagad sa inyong Dios.”

Mosiah 2:41: “Niadto nga naghupot sa mga sugo sa Dios . . . bulahan sa tanan nga mga butang.”

Mosiah 3:19: “[Isalikway] ang iyang kinaiyanhon nga pagkatawo ug [mahimo] nga usa ka santos pinaagi sa pag-ula ni Kristo ang Ginoo.”

Mosiah 4:9: “Tuo sa Dios; . . . tuo nga siya aduna sa tanan nga kaalam.”

Mosiah 18:8-10: “Pagpabunyang diha sa ngalan sa Ginoo, ingon og usa ka saksi . . . nga kamo nakasulod ngadto sa usa ka pakigsaad uban kaniya.”

Alma 7:11-13: “Ug siya magpadayon, mag-antus sa mga sakit ug mga kasakit ug mga pagtintal sa matag matang.”

Alma 34:9-10: “Kinahanglan gayud nga adunay pag-ula nga pagahimoon, . . . usa ka walay kinutuban ug walay katapusan nga sakripisyo.”

Alma 39:9: “Ayaw na pagsunod sa mga tinguha nga dautan sa imong mga mata.”

Alma 41:10: “Ang pagkadautan dili mahitabo nga mahimo nga kalipay.”

Helaman 5:12: “Diha sa lig-on nga sukaranan sa atong Manunubos . . . nga kamo kinahanglan gayud motukod sa inyong tukuranan.”

3 Nephi 11:10-11: “Ako mituman sa kabubut-on sa Amahan sa tanan nga mga butang gikan sa sinugdanan.”

3 Nephi 12:48: “Kamo mahimo nga hingpit sama nga Ako ingon, o ang inyong Amahan kinsa anaa sa langit hingpit.”

3 Nephi 27:20: “Duol ngari kanako ug magpabunyang . . . aron kamo mahimo nga pagasantoson pinaagi sa pagdawat sa Espiritu Santo.”

Ether 12:6: “Kamo dili makadawat og saksi hangtud human sa pagsulay sa inyong hugot nga pagtuo.”

Ether 12:27: “Kon ang mga tawo moduol ngari kanako . . . niana Ako mohimo sa mahuyang nga mga butang nga mahimo nga malig-on ngadto kanila.”

Moroni 7:45-48: “Ang gugma nga putli mao ang tiunay nga gugma ni Kristo.”

Moroni 10:4-5: “Mangutana sa kinasingsing, uban sa tinuod nga katuyoan, nga may hugot nga pagtuo kang Kristo . . . [ug] pinaagi sa gahum sa Espiritu Santo kamo mahimo nga masayud sa kamatuoran sa tanan nga mga butang.”

Doktrina ug mga Pakigsaad ug Kasaysayan sa Simbahan

Joseph Smith—Kasaysayan 1:15-20: Si Joseph Smith “nakakita sa duha ka Personahe, kansang kahayag ug himaya dili mahulagway.”

Doktrina ug mga Pakigsaad 1:30: “Mao lamang ang tinuod ug buhi nga simbahan.”

Doktrina ug mga Pakigsaad 1:37-38: “Bisan pinaagi sa akong kaugalingon nga tingog o pinaagi sa tingog sa akong mga sulugoon, kini managsama ra.”

Doktrina ug mga Pakigsaad 6:36: “Paghunahuna ngari kanako sa matag hunahuna; ayaw pagduha-duha, ayaw kahadlok.”

Doktrina ug mga Pakigsaad 8:2-3: “Ako mosulti kanimo diha sa imong hunahuna ug sa imong kasingkasing, pinaagi sa Espiritu Santo.”

Doktrina ug mga Pakigsaad 13:1: Ang Aaronic nga Pagkapari “naghupot sa mga yawe sa pagpangalagad sa mga anghel, ug sa ebanghelyo sa paghinulsol, ug sa bunyang.”

Doktrina ug mga Pakigsaad 18:10-11: “Ang bili sa mga kalag mahinungdanon sa panan-aw sa Dios.”

Doktrina ug mga Pakigsaad 18:15-16: “Unsa kaha kadako ang imong hingpit nga kalipay kon ikaw makadala og daghan nga mga kalag ngari kanako!”

Doktrina ug mga Pakigsaad 19:16-19: “Ako, [si Jesukristo], nag-antus niini nga mga butang alang sa tanan.”

Doktrina ug mga Pakigsaad 21:4-6: Ang “pulong [sa propeta] ikaw makadawat, ingon og gikan sa akong kaugalingon nga ba-ba.”

Doktrina ug mga Pakigsaad 29:10-11: “Ako mopadayag sa akong kaugalingon gikan sa langit uban sa gahum ug dako nga himaya . . . ug mopuyo diha sa pagkamatarung uban sa mga tawo diha sa yuta sa kaliboon ka mga tuig.”

Doktrina ug mga Pakigsaad 49:15-17: “Ang kaminyoon gi-orden sa Dios.”

Doktrina ug mga Pakigsaad 58:42-43: “Siya kinsa naghinulsol sa iyang mga sala, ang mao gipasaylo.”

Doktrina ug mga Pakigsaad 64:9-11: “Kamo gikinahanglan nga mopasaylo sa tanan nga mga tawo.”

Doktrina ug mga Pakigsaad 76:22-24: “Pinaagi ni [Jesukristo] ang mga kalibutan nalalang.”

Doktrina ug mga Pakigsaad 82:10: “Ako, ang Ginoo, mapugos sa pagtuman kon kamo mobuhat sa unsa nga Ako misulti.”

Doktrina ug mga Pakigsaad 84:20-22: “Diha sa mga ordinansa niana, ang gahum sa pagka-diosnon gipakita.”

Doktrina ug mga Pakigsaad 88:118: “Pangitaa ang pagtulun-an, gani pinaagi sa pagtuon ug usab pinaagi sa hugot nga pagtuo.”

Doktrina ug mga Pakigsaad 89:18-21: Ang mga panalangin sa Pulong sa Kaalam

Doktrina ug mga Pakigsaad 107:8: “Ang Melchizedek nga Pagkapari . . . adunay gahum ug pagtugot . . . sa pagtugyan sa espirituhanon nga mga butang.”

Doktrina ug mga Pakigsaad 121:36; 41-42: “Ang katungod sa pagkapari . . . dili madumala ni madala gawas lamang diha sa mga baruganan sa pagkamatarung.”

Doktrina ug mga Pakigsaad 130:22-23: “Ang Amahan adunay lawas nga unod ug mga bukog . . . ; ang Anak usab, apan ang Espiritu Santo . . . usa ka personahe sa Espiritu.”

Doktrina ug mga Pakigsaad 131:1-4: “Ang bag-o ug walay katapusan nga pakigsaad sa kaminyoon.”

Doktrina ug mga Pakigsaad 135:3: Si Joseph Smith “nakapatungha sa Basahon ni Mormon, diin siya mihubad pinaagi sa gasa ug gahum sa Dios.”

Tsart sa Inadlaw nga Pagbasa sa Kasulatan

Ene	Peb	Mar	Abr	Mayo	Hunyo	Hulyo	Ago	Sep	Okt	Nob	Dis
1	1	1	1	1	1	1	1	1	1	1	1
2	2	2	2	2	2	2	2	2	2	2	2
3	3	3	3	3	3	3	3	3	3	3	3
4	4	4	4	4	4	4	4	4	4	4	4
5	5	5	5	5	5	5	5	5	5	5	5
6	6	6	6	6	6	6	6	6	6	6	6
7	7	7	7	7	7	7	7	7	7	7	7
8	8	8	8	8	8	8	8	8	8	8	8
9	9	9	9	9	9	9	9	9	9	9	9
10	10	10	10	10	10	10	10	10	10	10	10
11	11	11	11	11	11	11	11	11	11	11	11
12	12	12	12	12	12	12	12	12	12	12	12
13	13	13	13	13	13	13	13	13	13	13	13
14	14	14	14	14	14	14	14	14	14	14	14
15	15	15	15	15	15	15	15	15	15	15	15
16	16	16	16	16	16	16	16	16	16	16	16
17	17	17	17	17	17	17	17	17	17	17	17
18	18	18	18	18	18	18	18	18	18	18	18
19	19	19	19	19	19	19	19	19	19	19	19
20	20	20	20	20	20	20	20	20	20	20	20
21	21	21	21	21	21	21	21	21	21	21	21
22	22	22	22	22	22	22	22	22	22	22	22
23	23	23	23	23	23	23	23	23	23	23	23
24	24	24	24	24	24	24	24	24	24	24	24
25	25	25	25	25	25	25	25	25	25	25	25
26	26	26	26	26	26	26	26	26	26	26	26
27	27	27	27	27	27	27	27	27	27	27	27
28	28	28	28	28	28	28	28	28	28	28	28
29	(29)	29	29	29	29	29	29	29	29	29	29
30		30	30	30	30	30	30	30	30	30	30
31		31		31		31	31		31		31













































































































































